

quæsumus Dómine Deus, perpétua mentis et córporis sanitate gaudere: et gloriósa Beátæ Mariæ semper Vírginis intercessióne a præsentí liberári tristítia, et ætérna pérfrui lætítia.

Deus, qui Ecclésiám tuam, beáti Patris Francísci méritis, fetu novæ proli amplíficas: tríbue nobis ex ejus imitatioe terréna despícere, et cœlestium donórum semper participatióne gaudere. Per Christum Dóminum nostrum.

R. Amen.

Benedictio divi Patris Francisci.

Benedicat ✠ tibi Dóminus, et custódiat te: osténdat faciém suam tibi, et misereátur tui: convértat vultum suum ad te, et det tibi pacem. Amen.

Supradictæ Preces et Orationes, vel ex parte, vel in totum, prout ægroto- rum conditio feret, arbitrio Sacerdotis dñi vel omitti possunt. Postea inter-

rógat infirmum, an coram Sacerdote suorum peccatorum confessionem habuerit, et si aliquid ei dicendum pro expiatione integra suorum delictorum remanserit, et quatenus opus fuerit, secreto et sacramentaliter audiat, vel per alium Confessorem secreto audiat, et absolvatur.

Quibus expletis chordam Fraternalitatis super ægrum imponat; mox infirmus dicat, vel adstantes pro eo: Confíteor Deo omnipoténti, etc.

Quo completo, Sacerdos subjungit:

Misereátur tui omnipotens Deus, et dimíssis peccátis tuis perdúcat te ad vitam ætérnam. R. Amen.

Indulgéntiam, absolutiónem, et remissionem peccatórum tuórum tríbuat tibi omnipotens et miséricors Dóminus.

R. Amen.

Deinde Absolutionem sequentem distincte et alta voce proferat.

FORMULA ABSOLUTIONIS PLENARIÆ

A CULPA ET POENA

IN ARTICULO MORTIS

Dominus noster Jesus Christus, per mérita suæ sanctíssimæ Passiónis, te absolvat, et grátiam suam tibi infúndat: et ego auctoritaté ipsíus, et beatórum Apostolórum Petri et Pauli, et Summórum Pontíficum, mihi in hac parte commíssa et tibi concéssa, absolvo te ab omni vínculo excommunicatiónis et interdícti, si quod incurristi, et restituo te unitáti et communióni fidélium, et sanctis Sacraméntis Ecclesiæ. Item eádem auctoritaté absolvo te a peccátiis tuis, tibique reláxo omnes pœnas purgatórii, quas pro peccátiis commís- sis meruísti, concédens tibi remissionem et indulgéntiam plenáriam ómnium peccatórum tuórum: et restituo te illi innocétiæ in qua eras, quando baptizátus fuísti: in nómine Patris, et Filii ✠, et Spíritus Sancti. Amen.

Quod si hac vice non discésseris, resérvo tibi hanc grátiam usque ad extrémum mortis tuæ arteulm.

Pássio Dómini nostri Jesu Christi, et mérita Beátæ Mariæ semper Vírginis, et ómnium Sanctórum, sint tibi in remissionem peccatórum tuórum, in augmentum grátiae, et præmium vitæ æternæ: in quorum étiam peccatórum satisfactiõnem, virtúte cláuium, tibi adscribo quidquid boni umquam féceris, et mali patiénter sustinúeris.

V. Bénedic ánima mea Dómino.

R. Et ómnia quæ intra me sunt, nómini sancto ejus.

V. Bénedic ánima mea Dómino.

R. Et noli oblivisci omnes retributiõnes ejus.

V. Qui propitiátur ómnibus iniquitatibus tuis.

R. Qui sanat omnes infirmitates tuas.

V. Qui rédimit de intéritu vitam tuam.

- R. Qui coronat te in misericórdia
et miseratióibus.
- V. Qui replet in bonis desidérium
tuum.
- R. Renovábitur ut áquilæ juven-
tus tua.
- V. Dóminus consérvet te, et vivi-
ficet te.
- R. Et non tradat te in ánimam ini-
micórum ejus.
- V. Vias tuas, Dómine, demónstra
ei.
- R. Et sémitas tuas édoce eum.
- V. Dóminus sit in itinere tuo.
- R. Et Angelus ejus comitétur te.
- V. Sit nomen Dómini benedíctum.
- R. Ex hoc nunc, et usque in sæcu-
lum.
- V. Dóminus vobíscum.
- R. Et cum spírítu tuo.

Orémus.

Va, quæsumus Dómine, servo tuo **N**
diabólica vitáre contágia, et te so-
lum Deum pura mente sectári.

Misericórdiæ tuæ remédiis, quæsu-
mus Dómine, fragilitas nostra subsis-
tat: et quæ sua conditióne attéritur,
tua cleméntia reparétur.

Deus, qui omnipoténtiam tuam par-
céndo máxime et miserádo manifes-
tas: multiplica super fámulum tuum
N. misericórdiam tuam; ut ad tua pro-
missa curréntem, cœléstium bonórum
fácias esse consórtem.

Quæsumus cleméntiam tuam, omni-
potens Deus: ut per virtútem sanctís-
simæ Passiόνis tuæ fámulum tuum **N**.
grátia tua confirmáre dignéris; ut in
hora mortis ejus non præváleat contra
eum adversárius, sed cum Angelis tuis
tránsitum habére mereátur ad vitam.

Páteant aures misericórdiæ tuæ, Dó-
mine, précibus supplicántium: et ut
peténtibus desideráta concédas, fac eos,
quæ tibi sunt plácita, postuláre. Per
Christum Dóminum nostrum.

R. Amen.

BENEDICTIO ET IMPOSITIO

CINGULI LANEI PRO CHORDIGERIS
S. FRANCISCI DE PAULA.

(Prop. Ord. Minimorum.)

Sacerdos superpelliceo et stola albi coloris indutus, signans se signo crucis, dicit:

V. Adjutorium, etc.

R. Qui fecit, etc.

V. Dominus vobiscum.

R. Et cum spiritu tuo.

Orémus.

Omnipotens, sempiterna et misericors Deus, qui pietatis tuae indulgentiam peccatoribus, quaerentibus veniam et misericordiam, tribuisti: oramus immensam clementiam tuam, ut hoc cingulum laneum (vel haec cingula lanea) bene ✠ dicere et sanctificare digneris; ut quicumque pro peccatis suis cincti fuerint, et misericordiam tuam imploraverint intercedente beato Francisco,

veniam et indulgentiam tuae sanctae misericordiae consequantur. Per Christum Dominum nostrum. R. Amen.

Aspergit aqua benedicta; deinde porrigit, dicens:

Accipe cingulum super lumbos tuos: ut sint lumbi tui praecincti in signum castitatis et temperantiae. In nomine Patris ✠, et Filii, et Spiritus Sancti.

R. Amen.